

**KJKP "RAD" d.o.o. SARAJEVO  
-VD DIREKTOR-**

**Broj: 05-03-04- /20  
Sarajevo, 12.11.2020. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi

**ODLUKU  
o poništenju postupka nabavke soli za posipanje saobraćajnica (refuzne) – LOT 1**

Poništava se postupak za nabavku soli za posipanje saobraćajnica (refuzne) – LOT 1.

**OBRAZLOŽENJE**

KJKP "RAD" d.o.o. Sarajevo je dana 09.05.2020. godine na portalu javnih nabavki BiH objavilo Obavještenje o nabavci kroz otvoreni postupak sa međunarodnom objavom obavještenja za izbor najpovoljnijeg ponuđača za nabavku posipnog materijala za zimsku službu, sa rokom dostave ponuda do 08.07.2020. godine.

Po otvorenom postupku za nabavku pristigle su dvije (2) ponude i to ponude ponuđača „BOM IMPEKS“ d.o.o. Banja Luka i „MACOT SOL“ d.o.o. Mostar.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je da su pristigle ponude ovih ponuđača potpune i prihvatljive, budući da su dostavili svu dokumentaciju traženu Tenderskom dokumentacijom.

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji.

Obzirom da se radi o otvorenom postupku nabavke sa međunarodnom objavom obavještenja, cijeneći budžet ugovornog organa određen za nabavku predmeta javne nabavke od strane Komisije utvrđeno je da je zadovoljena stvarna konkurencija i data je preporuka Ugovornom organu da provede E-aukciju dana 16.07.2020. godine, u skladu sa informacijama o procesu E-aukcije datim u Tenderskoj dokumentaciji.

Ugovorni organ je dana 14.07.2020. godine zakazao E-aukciju za dan 16.07.2020. godine. Nakon provedene E-aukcije, utvrđena je konačna rang lista ponuđača a u skladu sa Izvještajem o toku i završetku E-aukcije, koji je prilog ovog Zapisnika.

U skladu sa Izvještajem o toku i završetku E-aukcije, a obzirom da se radi o otvorenom postupku javne nabavke za dostavu ponuda sa međunarodnom objavom Obavještenja kojim je previđeno sklapanje Okvirnog sporazuma sa jednim ponuđačem

i da je broj prihvatljivih ponuda dvije (2), da je kriterij za odabir najpovoljnije ponude najniža cijena, cijeneći cijene, kretanja na tržištu i budžet ugovornog organa određen za nabavku predmeta javne nabavke od strane Komisije utvrđeno je da je ponuda ponuđača „BOM IMPEKS“ d.o.o. Banja Luka najpovoljnija i potpuno prihvatljiva te je data preporuka Ugovornom organu da ponudu ponuđača „BOM IMPEKS“ d.o.o. Banja Luka prihvati kao potpuno prihvatljivu, budući da je dostavio svu potrebnu dokumentaciju traženu Tenderskom dokumentacijom i ponudio ukupnu cijenu od 397.400,00 KM bez uračunatog PDV-a sa ukupnim popustom od 20,68% nakon održane E-Aukcije.

Ugovorni organ je po prijedlogu Komisije donio Odluku broj 05-03-04-120146/20 dana 20.07.2020. godine, koja je dostavljena ponuđačima dana 22.07.2020. godine preporučenom pošiljkom. Ponuđači su zaprimili odluke dana 24.07.2020. godine.

Dana 03.08.2020. godine ponuđač „MACOT SOL“ d.o.o. Mostar je na Odluku broj i datum gornji izjavio žalbu zbog povrede Zakona o javnim nabavkama BiH, podzakonskih akata i pogrešno utvrđenog činjeničnog stanja.

Nakon uvida u žalbu, Komisija je utvrdila da je ista blagovremena, dopuštena i izjavljena od strane ovlaštenog lica. Nakon pregleda navoda iz žalbe, Komisija je utvrdila da je ista neosnovana te u skladu sa članom broj 100., stav (5) Zakona o javnim nabavkama BiH dala preporuku Ugovornom organu da istu proslijedi Uredu za razmatranje žalbi BiH na razmatranje zajedno sa popratnim izjašnjenjem i kompletnom dokumentacijom u vezi sa postupkom.

Ured za razmatranje žalbi BiH je, rješavajući po žalbi ponuđača „MACOT SOL“ d.o.o. Mostar izjavljenu na Odluku o izboru najpovoljnijeg ponuđača za LOT 1 broj 05-03-04-12016/20 od 20.07.2020. godine, donijela Rješenje broj JN2-01-07.1-1990-9/20 od 19.08.2020. godine kojim usvaja žalbu kao djelomično osnovanu, poništava Odluku o izboru najpovoljnijeg ponuđača za LOT 1 broj 05-03-04-12016/20 od 20.07.2020. godine te predmet vraća prvostepenom organu na ponovni postupak.

Komisija je, postupajući u skladu sa Rješenjem Ureda za razmatranje žalbi BiH broj i datum gornji, ponovo pristupila ocjeni pristiglih ponuda. U skladu sa Rješenjem Ureda za razmatranje žalbi BiH, Komisija je utvrdila sljedeće:

- Ugovorni organ je Tenderskom dokumentacijom zahtjevao dostavljanje dokaza o uspješnoj realizaciji najmanje dva (2) ugovora u posljednje tri (3) godine na isporuci soli za posipanje cesta. Ponuđač „BOM IMPEKS“ d.o.o. Banja Luka je dostavio potvrde o uspješnoj realizaciji ugovora koji se odnose na nabavku morske soli i industrijske soli, koje je Komisija prihvatila kao ispravne i zadovoljavajuće budući da je ovaj ponuđač dostavio potvrde o uspješnoj realizaciji koje se odnose na robe koje su predmet nabavke za LOT 1 - soli za posipanje saobraćajnica a da Ugovorni organ nije u Tenderskoj dokumentaciji specificirao da se potvrde o uspješnoj realizaciji za LOT 1 moraju odnositi isključivo na morsku sol te su se stoga ove potvrde ocijenjene kao ispravne i prihvatljive;
- Ured za razmatranje žalbi BiH u svom Rješenju broj JN2-01-07.1-1990-9/20 od 19.08.2020. godine je utvrdio da potvrde nisu ispravne i

zadovoljavajuće te da se iste nisu mogle prihvatiti budući da se jasno odnose na LOT 2 a ne na LOT 1. Ured za razmatranje žalbi BiH u svom Rješenju dalje navodi kako je predmet nabavke u LOT-u 1 morska sol te da se jasno može zaključiti da odabrani ponuđač nije dokazao da je ispunio kvalifikacioni uslov za LOT 1.

Imajući u vidu sve navedeno, Komisija je u ponovnom provođenju postupka javne nabavke, a postupajući u skladu sa Rješenjem Ureda za razmatranje žalbi BiH, utvrdila da je ponuda ponuđača „BOM IMPEKS“ d.o.o. Banja Luka nepotpuna i neoprihvatljiva, budući da je Ured za razmatranje žalbi BiH utvrdio da potvrde o uspješnoj realizaciji koje je dostavio ovaj ponuđač nisu ispravne i zadovoljavajuće te da se nisu mogle prihvatiti kao takve obzirom da ovaj ponuđač nije ispunio kvalifikacioni uslov za LOT 1.

Obzirom da je ponuda ponuđača „MACOT SOL“ d.o.o. Mostar ocijenjena kao potpuna i prihvatljiva, te da se radi o otvorenom postupku javne nabavke za dostavu ponuda sa međunarodnom objavom Obavještenja kojim je previđeno sklapanje Okvirnog sporazuma sa jednim ponuđačem, a da je broj prihvatljivih ponuda jedna (1) i da je kriterij za odabir najpovoljnije ponude najniža cijena, cijeneći cijene, kretanja na tržištu i budžet ugovornog organa određen za nabavku predmeta javne nabavke od strane Komisije utvrđeno je da je ponuda ponuđača „MACOT SOL“ d.o.o. Mostar potpuno prihvatljiva te daje preporuku Ugovornom organu da ponudu ovog ponuđača prihvati kao potpuno prihvatljivu, budući da je dostavio svu potrebnu dokumentaciju traženu Tenderskom dokumentacijom i ponudio ukupnu cijenu od 496.000,00 KM bez uračunatog PDV-a.

Na Odluku broj 05-03-04-1620/20 od 22.09.2020. godine izjavljena je žalba URŽ-u od strane ponuđača „BOM IMPEKSA“ d.o.o. Banja Luka.

Ured za razmatranje žalbi BiH je, rješavajući po žalbi ponuđača „BOM IMPEKSA“ d.o.o. Banja Luka izjavljenu na Odluku o izboru najpovoljnijeg ponuđača za LOT 1 broj 05-03-04-1620/20 od 22.09.2020. godine, donijela Rješenje broj JN2-01-07.1-2770-10/20 od 04.11.2020. godine kojim usvaja žalbu i poništava Odluku o izboru najpovoljnijeg ponuđača za LOT 1 broj 05-03-04-1620/20 od 22.09.2020. godine, te predmet vraća prvostepenom organu na ponovni postupak. Komisija je, postupajući u skladu sa Rješenjem Ureda za razmatranje žalbi BiH broj i datum gornji, ponovo pristupila ocjeni pristiglih ponuda.

Komisija je, postupajući u skladu sa Rješenjem Ureda za razmatranje žalbi BiH broj i datum gornji, ponovo pristupila ocjeni pristiglih ponuda. Ured za razmatranje žalbi BiH u svom Rješenju broj JN2-01-07.1-2770-10/20 od 04.11.2020.godine je utvrdio da potvrde o uspješnoj realizaciji Ugovora o nabavci soli, koje je ponuđač „BOM IMPEKS“ d.o.o. Banja Luka dostavio u svojoj ponudi, nisu ispravne i zadovoljavajuće te da se iste nisu mogle prihvatiti kao takve budući da se jasno odnose na industrijsku so a ne na morsku so za LOT 1. Ured za razmatranje žalbi BiH je u svom Rješenju dalje naveo kako je predmet nabavke u LOT-u 1 morska sol te da se jasno može zaključiti da odabrani ponuđač nije dokazao da je ispunio kvalifikacioni uslov za LOT 1.

Nadalje Komisija postupajući u skladu sa Rješenjem broj JN2-01-07.1-2770-10/20 od 04.11.2020. godine, da ponuđač „MACOT SOL“ d.o.o. Mostar nije dokazao ekonomsku i finansijsku sposobnost na način kako je to zahtjevano Tenderskom

dokumentacijom, navedeni ponuđač je u svojoj ponudi (stranica 20. ponude) dostavio dokaz izdan od strane Centralne banke BiH, PS P3 - Izvještaj o računima poslovnog subjekta na dan 10.06.2020. godine. Navedeni izvještaj dokazuje trenutno stanje računa ponuđača, međutim iz navedenog nije vidljivo njihovo stanje u posljednja tri mjeseca. Iz dostavljenog Izvještaja ne može se utvrditi da li su u zahtjevanom vremenskom period račun bili blokirani ili ne.

Komisija postupajući u skladu sa Rješenjem broj JN2-01-07.1-2770-10/20 od 04.11.2020. godine, da ponuđač „MACOT SOL“ d.o.o. Mostar u svojoj ponudi, na stranici broj 37. ponude, dostavio Izjavu o zalihama i isporuci morske soli u kojoj se navodi da firma „MACOT SOL“ d.o.o. Mostar raspolaže sa cca. 20.000,00 tona morske soli NaCl za posipanje cesta, a koje se nalaze u skladištima sestrinskih firmi (MA.CO.T. d.o.o. Škrljevo i „A.B.T. Sol“ d.o.o. Čaporice), te da su spremni isporučiti do termina isporuke na odredište Ugovornog organa. Međutim u ponudi nije dostavio nijedan dokaz o odnosu sa navedenim firmama u vidu sporazuma ili ugovora o poslovno-tehničkoj saradnji .

Imajući u vidu sve navedeno, Komisija je u ponovnom provođenju postupka, a postupajući u skladu sa Rješenjem Ureda za razmatranje žalbi BiH, utvrdila da su ponude ponuđača „BOM IMPEKS“ d.o.o. Banja Luka i „MACOT SOL“ doo Mostar nepotpune i neoprihvatljive, te daje prijedlog Ugovornom organu da se predmetni postupak poništi i ponovo objavi.

Smatram da je Komisija pravilno postupila kada je uzela u obzir gore navedene činjenice i kada je predložila da se predmetni postupak poništi i ponovo objavi. Iz tih razloga prihvatam prijedlog Komisije i donosim odluku kao u dispozitivu.

**PRAVNA POUKA:**

Protiv ove Odluke može se uložiti žalba Ugovornom organu, odnosno KJKP”RAD”, u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

**v.d. DIREKTOR KJKP „RAD“**

**Mirsad Hošić, dipl. ing. maš.**

**DOSTAVITI:**

- Ponuđačima;
- a/a